

INUIT ATAQATIGIIT

INATSISARTUNI



Nuuk 23. april 2024

Inatsisartut suleriaasianni § 37 imm.1 naapertorlugu Naalakkersuisunut imaattunik apeqquteqarpunga:

- 1. Qallunaat nunaanni Tjenestemanditut soraarnerussutisiallit 2019-miit 1. oktober 2023 tikillugu soraarnerussutisiaat qulingiluariarlutik qaffapput. Nunatsinni tjenestemandit soraarnerussutisiassa 2019-imiilli sulii maannamut qaffaavigineqanngillat. Naalakkersuisut nassuiarsinnaanerpaat tamanna sumik peqquteqarnersoq?**
- 2. Nunatsinni tjenestemandip soraarnerussutisiassai qallunaat nunaanni najugaqartuminngaaniit annikinnerujussuupput Naalakkersuisut nassuiarsinnaanerpaat tamanna sumik peqquteqarnersoq?**
- 3. Nunatsinni tjenestemandip soraarnerussutisiarisartagai qallunaat nunaannitulli assigiisilerneqarnissaannik Naalakkersuisut suliniuteqarpat?
A. Naamiuppat sumik tamanna peqquteqarpa?**
- 4. Nunatsinni tjenestemandip soraarnerussutisiarisartagai qallunaat nunaannitulli assigiilersinneqassagaluarpata tamanna aningaasatigut qanoq naleqassava?
A. Aamma kia tamanna aningaasartuutigissavaa?**
- 5. Assigiinngisitsineq qulaani pineqartoq inatsisinit imaluunniit nalunaarummit tunngaveqarsimappat, taava inatsit nalunaarulluunniit suna allanngortariaqarnersoq Naalakkersuisut nassuiarsinnaanerpaat?**
- 6. Naalakkersuisut allamik sammisaq pillugu oqaasissaqarnerpat?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

IMAK-ip tusagassiutinut nalunaarutaa 18.april 2024 innersuukkusuppara aamma inatsisartunut nassiunneqarsimasoq.

Naluneqanngitsutut tjenestemandi nunatsinni najugaqartup soraarnerussutisiassai qallunaat nunaanni najugaqartuminngaaniit annikinnerujussuusut. Assigiinngissutaasoq apeqqutaasarluni skalatrin sorlermiinnerluni.

Ajoraluartumillu tamanna peqqutaalluni nunaqqaterpassuagut qallunaat nunaannut nuuttariaqartarsimapput utoqqalinersiat tungaatigut pitsaanerusumik atugassaqarusullutik.

Ilaquttat ernuttatillu allaat qimattariaqarlugit. Tamanna ajoraluarpoq akuersaaruminaappoq allangortariaqarluarporlu.

Utoqqartagut, ilisimasaqarluartut misilittagartuut atorfissaqartitagullu taamaalillugit annaasarpagut aamma qallunaatut taasarpaat de gråguld-iutigut. Atorfissaqartippagut pisariaqartippagullu. Nunarput qimannagu, ilaquttat ernuttatillu qimannagit nunatsinni eqqissillutik inooqataasinnaasariaqarput, suleqataarusukkunillu suleqataallutik.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.